

DISSERTATIO INAVGVRALIS JVRIDICA

---

DE

**JVRISDICTIONIS  
ALLODIALIS ET FEVDALIS  
CONFLICTV  
AC VTRIVSQVE RATIONE  
FEVDORVM COMPETENTIA,**

---

QVAM

SVB DIVINI NVMINIS AVSPICIIS

AC

**ILLVSTRIS JCTORVM ORDINIS  
CONSENSV**

IN PERANTIQA ELECTORALI VNIVERSITATE  
ERFFVRTHENSI,

SVB PRÆSIDIO

**DN. TOBIÆ JAC. REINHARTH,**

JCTI, COM. PALAT. CÆS. JVRID. FACVLT. ASSESSORIS ET COD. P. P. ORD.  
CIVITAT. STNDICI ET CONSVLIS,

**PRO GRADV DOCTORALI**

RITE CAPESSENDO,

PVBLCÆ CENSVRÆ EXPONIT

**GVILIELMVSHENRICVS HILLE,**

MIND. WESTPHAL.

---

IN AVDITORIO JCTORVM MAJORI

DIE XXVI. JANVARIJ M DCC XXX.

---

ERFORDIÆ, Litteris GROSCHIANIS, Acad. Typogr.

AMERICAN

THE

OF

THE

THE

THE

THE

THE

THE

THE

THE

THE

PERILLVSTRI  
EXCELLENTISSIMOQVE DOMINO  
DOMINO  
**HENRICO**  
**A BUNAV**

CLIENTELARVM SEISELIZ RADEWIZ ET  
LEHNIZSCH DYNASTÆ ETC.

AVGVSTISSIMI POLONIARVM RE-  
GIS ET PRINCIPIS ELECTORIS SAXONIÆ CON-  
SILIARIO STATVS INTIMO ET CANCELLARIO TRIBV-  
NALIS REDITVVM PROVINCIALIVM CONSILIARIO  
ET CENSVALI PRIMARIO

DVCATVS ALTENBURGICI DIRECTORI PRO-  
VINCIALI, NEC NON PER-ILLVSTRIS BUNAVIANÆ  
GENTIS SENIORI DESIGNATO  
ETC.

**DOMINO SVO GRATIO-  
SISSIMO.**

NEC MINVS  
V I R O  
PERILLVSTRI ATQVE EXCELLEN-  
TISSIMO  
DOMINO  
**HENRICO**  
**A BUNAV**

IN DAHLEN, DOMSEN, GOELLNIZ ET GROS-  
TAVSCHWIZ DYNASTÆ

AVGVSTISSIMI POLONIARVM RE-  
GIS ET PRINCIPIS ELECTORIS SAXONIÆ IN  
SYMMO SENATV ECCLESIASTICO PRÆSIDI SACRI PA-  
LATII REGII COMITI AB AVLÆ IYSTITLÆ ET PROVO-  
CATIONVM CONSILIIS IN SVPREMA CVRIA PRO-  
VINCIALI LIPSIENSI ADSESSORI

RELIQVA,

**DOMINO SVO GRATIO-  
SISSIMO.**

DENIQUE  
V I R O  
PERILLVSTRI AC GENEROSISSIMO  
D O M I N O  
**OTTONI HENR.**  
**A BERLEPSCH**

DYNASTÆ IN STOHSEN  
ET GROEBIZ

SERENISSIMI AC POTENTISSIMI  
POLONIARVM REGIS ET PRINCIPIS ELECTO-  
RIS SAXONIÆ A PROVOCATIONVM CONSILIIS, REDI-  
TVVM REGIORVM IN THVRINGIÆ CIRCVLO CENSVALI  
PRIMARIO IN SVPREMA CVRIA PROVINCIALI LIPSIEN-  
SI ADSESSORI NEC NON ORDINIS EQVESTRIS CIRCVI-  
TVS WEISENFELSSENS. DIRECTORI DESIGNATO

RELIQVA.

**DOMINO SVO PER QVAM  
GRATIOSO.**

HASCE  
MEDITATIONES INAVGVRALES  
ACADEMICAS

IN DEVOTISSIMÆ MENTIS TESSERAM  
HVMILLIME

DAT, DICAT, DEDICAT

Erffordia, d. XXVI. Jan.  
MDCCXXX.

*clens servusque subjectissimus*

WILHELMVS HENRICVS HILLE.





## DISSERTATIONIS CONSPECTVS.

- §. I. Intricata & spinosa est Jurisdictionis doctrina tam Romanæ quàm Germanicæ, & cur?
- §. II. Utilis tamen & necessaria est in Scholis & foris hodiernis Germanicæ Jurisdictionis Cognitio. Ratio.
- §. III. Thema Dissertationis.
- §. IV. Jurisdictionis FEUDALIS definitio.
- §. V. Subjectum constituit Dn. feudi.
- §. VI. Pares Curie. Confectaria.
- §. VII. Objectum sunt causæ vere feudales Controversæ.
- §. VIII. Potestas extrajudicialis Domino feudi, quâ tali, competens, ad objectum Jurisdictionis feudalis non pertinet.
- §. IX. Quid sit causa verè feudalis, circa quam tria veniunt consideranda.
- §. X. XI. In casu, quo Vasallus alterum negat Convasallum, deficit causæ vera feudalitas in ordine ad litigantes Vasallos, sed non in ordine ad Feudi Dominum & quomodo Vasallus à Domino Non-Vasallus assertus. Jurisdictionem Curie agnoscere teneatur?
- §. XII. Exempla & casus Causarum verè feudalium ex parte Domini.
- §. XIII.

§. XIII. Similiter ex parte Vasalli  
 & Convasalli.

§. XIV. Causæ possessorie quâ ra-  
 tione ad causas vere feudales  
 spectent?

§. XV. Ubi causa adest vere feu-  
 dalis, ibi in regula fundata est  
 JURISDICTION FEVDALIS,  
 quæ tam in cognoscendo, & ju-  
 dicando, quam exequendo consti-  
 tit; sed hoc ultimum in alieno  
 territorio immediate fieri ne-  
 quit.

§. XVI. Vis Jurisdictionis feuda-  
 lis in alienum territorium sese  
 extendit, ubi notatur B. DN. TI-  
 TIVS.

§. XVII. Unde cognosci possit JV-  
 RISDICTIONIS ALLODIA-


LIS COMPETENTIA circa  
 feuda, ubi DVÆ REGVLÆ.

§. XVIII. Explicatio primæ Regu-  
 læ; An Jurisdictio feudalis sit  
 Jurisdictio prorogata exami-  
 natur, contra SCHILTERI sen-  
 tentiam & quando Jctio allo-  
 dialis in causis vere feudalibus  
 obtineat, disquiritur?

§. XIX. Regule secundæ exegeſis.

§. XX. Casus VII. ubi Jurisdictio  
 allodialis s. ordinaria in causis  
 vel plane non vel apparenter  
 feudalibus locum sibi vindicat.

§. XXI. Judex feudalis de propria  
 competentia judicare nequit, &  
 in dubio magis pro allodiali &  
 ordinariâ, quam pro feudali est  
 pronuntiandum.







DE  
**JVRISDICTIONIS ALLODIA-  
LIS ET FEVDALIS CONFLICTV  
AC VTRIVSQUE RATIONE FEVDORVM  
COMPETENTIA**

DISSERTATIO INAUGVRALIS *JVRIDICA.*

§. I.



Urisdictionis doctrinam, quatenus de jure Romano proponitur, maxime intricatam esse, dudum dixerunt, solideque demonstrarunt alii, inter quos instar omnium nobis nominasse sufficit THOMASIVM in *not. ad Strauch. XX. l. p. 267.* Sed

non minus spinosam Jurisdictionis modernæ in Germania materiam esse, eamque eodem, si non majori modo, in pelago versari, nemo facile vocabit in dubium, qui tot infinitas prædictæ Germaniæ moribus vel adinventas vel ex Jure Romano quidem retentas, sed penitus ferè alteratas ejusdem species, quarum omnes &

A

fin.

singulas nec sic dictæ *arbores jurisdictionales*, quas tam  
 BARTOLVS, quam GVIL. LUYERANVS quondam ex-  
 cogitarunt, includere & enumerare potuerunt, con-  
 templabitur, nec non æqua animi lance, & sine par-  
 tium studio perpendet, quanta difficultas & incertitu-  
 do huic doctrinæ vel solum inde accefferit, quod non  
 pauci in id absurditatis delapsi fuerint, quod cum GEOR-  
 GIO OBRECHTO *disp. de Jurisd. §. 70.* in decidendis  
 modernis de Jurisdictione controversiis à Juris Roma-  
 ni principiis malè recedi crediderint, non observantes,  
 Jurisdictionis materiam inter Germanos ab antiquo  
 jamjam receptam iisdem temporibus, quo Jura Roma-  
 na in Germaniam penetrarunt, neutiquam fuisse im-  
 mutatam, quin potius retentam ac in iis demum capi-  
 tibus, quæ deficere viderentur è Jure Romano esse pe-  
 titam, adeoque juxta CARPZOVIVM *pr. Crim. qu. 109. n.*  
*14. Ekkolt. ad ff. de Jurisd. §. 3.* modernam Jurisdictionem  
 potissimum è cujuscunque loci consuetudine &  
 ordinationibus esse petendam & dijudicandam, ita ut  
 MEVIVS *P. 4. Dec. 290.* omni jure istos JCtos pernicio-  
 sos declaraverit, qui de moderna Jurisdictionis forma  
 ex Legibus Romanis censent & disputant; Hos enim  
 æquè rem absurdam committere, ac si lanam ab asino  
 querere velint, cum utrobique oleum & operam sint  
 perdituri, rectè ex ore illorum, quos adduxit STRYK. *in*  
*us. mod. ff. L. 2. tit. 1. §. 1. in not. ad Huberi Prælect. P. 2. t.*  
*1. p. 56.* retulit THOMASIVS, qui in peculiari & pereru-  
 dita Dissertatione: *de Jurisdictionis & magistratuum*  
*differentia secundum mores Germanorum de anno 1703. Mens.*  
*Novembr. solidiori viâ, mpre solito, incedens, glaciem*  
 in

in hac materia difficillima fregit, atque edocuit, quibus erroribus evitatis, quibusve fundamentis jactis, hæc doctrina confusa quodammodo in ordinem redigi valeat.

Quo intricatio vero est hæc Jurisdictionis materia, eo utiliore, magisque necessariam in scholis forisque Germaniæ eam esse, ex infinitis istis certaminibus & conflictibus gravissimis apparet ad oculum, qui tam super competentia concurrentiâ & præventionem Jurisdictionis vel singulis diebus, non in territoriis solum, sed quoque civitatibus & pagis, pro multitudine & diversitate specierum jurisdictionis, quæ in uno loco haud raro deprehenduntur, existere assolent. Quem enim, ut paucissimarum saltem mentionem heic injiciamus, latet, quot quantæque quotidie occurrant inter Judices diversos Jurisdictionis, *secularis*, & *ecclesiasticæ*, *superioris* & *inferioris*, *criminalis* & *civilis*, *patrimonialis* & *personalis*, *togatæ* & *militaris*, *academicæ* & *civica*, nec non *allodialis* & *feudalis* contentiones & disputationes, quarum certè accurata solidaque decisio absque genuinâ & fundamentalis cognitione cujuscunque speciei jurisdictionis indolis, obtentu maximè est difficilis, si non plane impossibilis.

### §. III.

Cum vero istæ collisiones, quæ haud raro ratione prædictæ Jurisdictionis ALLODIALIS & FEUDALIS occurrunt, ita sint comparatæ, ut haud sine magna difficultate sæpè intelligi queat, an & quatenus ex utraque specie in obveniente de feudo controversia una alteri locum relinquere de jure debeat; hinc ope-

re pretium existimavimus, si loco speciminis inangularis hancce materiam satis illustrem & difficilem, missis aliarum Jurisdictionum collisionibus, inpraesentiarum ad examen revocemus, & quid de Jurisdictionis allodialis & feudalis conflictu justum sit, omni quo fieri potest compendio & perspicuitate, ita ostendamus, ut quænam utriusque circa unum idemque feudum sit competentia, hoc est, utrum Judex ordinarius seu allodialis (*der Land-Richter*) utrum vero Feudalis (*der Lehn-Richter*) controversiam de feudo subortam, prævia cognitione causæ decidere, sententiamque exequi, vel etiam interdum uterque electivè aut conjunctim concurrere possit & debeat? inde appareat.

#### §. IV.

Quod ut ordine fiat, in quo Jurisdictio feudalis consistat, præmittendum existimamus, hoc enim cognito, eo facilius, quousque ejus limites circa feudum se se extendant, contra vero jurisdictio allodialis locum sibi vindicare queat, intelligi poterit. Ideoque cum *HVLBER.* ab *EYBEN* *Diff. de caus. Feudal. p. 677. sect. 5. §. 4.* per *jurisdictionem feudalem ejusmodi potestatem* intelligimus, *quæ Domino feudi (sine Contradictione tali) & paribus curiæ competit, de causis feudalibus controversis cognoscendi, judicandi & judicatum exequendi, jure feudali data & concessa.* Ex qua definitione satis apparet dilucidè Jurisdictionis feudalis indolem sequentibus potissimum absolvi capitibus: (1) quod non nisi Domino feudi, & paribus curiæ competat, (2) causas tantum feudales controversas pro objecto habeat, & (3) in potestate cogno-

cognoscendi, decidendi, & exequendi ejusmodi controversias feudales consistat.

§. V.

Primum quod attinet, quod scil. Domino feudi Jurisdictionem feudalem competere diximus; ex eo consequitur: Quod Domino territorii, quâ tali, feudalis ejusmodi Jurisdictio in feudum ibi situm nullatenus competat, illamque Jurisdictionem, quam quidem per accidens circa feuda interdum exercet, vel exercere potest, si non est simul feudi Dominus, neutiquam feudalem dici posse; sed merè allodiamalem scil. ex jure territoriali potius, quam dispositione feudistica descendente, censerî, Judicemque ejusmodi Principis subordinatum, tantum allodiamalem esse, hoc est, ordinarium, ut in causa vere feudali cognoverit vel deciderit, id quod jure interdum fieri posse, infra pluribus demonstratum ibimus; Porro 2<sup>o</sup> illi saltem Domino feudi, *qui sine contradictione talis est*, Jurisdictionem feudalem significanter asseruimus, cum illam ex mera relatione quæ inter illum intercedit, & Vassallum, exercent. Quotiescunque itaque ejusmodi qualitas atque relatio feudistica ipsi vocatur in dubium, seu negatur, toties quoque Jurisdictio ejusdem, cum judicio feudali deficit, cum fundamentum hujusmodi nexus feudalis nondum assertum probatumque fuerit, prout recte concludit ROSENTHAL *de feud. Cap. 14. Concl. 2. n. 8. de quo infra pluribus.*

§. VI.

Sed nec solum *dominum feudi* Jurisdictionis feudalis subiectum esse, sed quoque pares Curiaë, qui



& pares de domo Domini 1. F. 26. §. si quibus: vel etiam pares Curtis, 11. F. 2. id est ejusdem Curiae Vassalli dicuntur, simul adhibendos esse, ex Jure Longobardico 1. F. 18. §. 2. F. 15. in fin. in aprico positum est; Id quod tum quoque obtinet, quando inter ipsos Convassallos vertitur feudalis controversia; Quando enim ejusmodi lis inter Dominum & Vassallum oritur, Pares Curiae eo minus abesse poterunt, quò Dominus in propria causa, sive hæc directe vel indirectè ipsum tangat, judex esse nequit; quin potius soli Pares ejusdem Curiae, sub qua est Vassallus, & quidem omnes, nisi quidam fuerint electi, judicium, quod vocari solet das Mann-Gerichte/ exercent, 11. F. 16. §. Land-R. L. 3. Art. 78. §. Lehn-R. cap. 65. Rectè enim SCHILTERVS in Cod. Jur. Alemanni Feudal. ad Cap. X. §. 2. hancce feudalis juris dispositionem in casu quo lis Vassallo cum ipso Domino intercedit, non summa solum niti æquitate ex eo existimat, quod in propria causa ipse judicare nequeat, sed quoque Vassallum ex juris necessitate, dominum feudi ad constituendum ejusmodi Judicium Parium adhuc hodie ex constitutione CONRADI SALICI IMPERAT. ad quam provocat OBERTVS II. F. 16. obligare posse arbitratur, præsertim cum hæc constitutio à LOTHARIO & FRIDERICO I. IMPP. renovata sit; nec ulla constitutio in Germaniâ extet in contrarium; Neque existimandum est, juxta Praxin modernam judicium Parium Curiae omnino esse abolitum, cum plerosque Dominos feudi eminentiores per Regimina sua & Judicia aulica jurisdictionem feudalem, in causis feudalibus, expedire vide-

dea-

deamus; Nam cum iidem Ministri & Consiliarii vices Parium revèra sustineant, atque non raro ex numero Vasallorum adsciti, nec non ad causas feudales conscientiosè decidendas juramento adstricti sint, adeoque si causam Dominus cum Vasallo habeat, is vices partis per procuratorem sustineat, non obscure apparet, quod in re ipsa iudicium parium nec hodie ab usu omninò recesserit. Ex quo pronò alveo fluere censemus: Quod toties jurisdictio feudalis exercitium exulet ex parte Domini, quoties vel Paribus Curia plane destituitur, *11. feud. 16.* vel is tales quidem habeat, qui tamen certis ex causis ipsi iudicare non possint, v. g. si in eadem causâ feudali decidenda testes esse debeant, vel in totum suspecti sint. Idem HORN *cit. tr. Cap. 25. §. 3.* & SCHRADER *de feud. P. X. sect. 7. n. 113.* Unde porro apparet, vix esse, ut privato feudi Domino Jurisdictionis feudalis exercitium in ipsis causis feudalibus jure asseri queat, eò quod ut plurimum ejusmodi Curia Paribus careat, atque adeo juxta consuetudinum feudisticarum placita iudicium feudale rite efformare nequeat.

#### §. VII.

Alterum, idque primarium Jurisdictionis feudalis requisitum juxta definitionem à nobis supra §. IV. exhibitam objectum constituit, idque in *causis verè feudalibus controversis* consistit, ad quas omnis, quæ dominis & paribus Jurisdictio competit ita restringitur, ut ultra ejusmodi causas ne latum quidem unguem extendi valeat. Ubi ad duo potissimum attendendum erit. Primo scil. ut *causa sit verè feudalis*, deinde ut *sit controversa*.

#### §. VIII.



## §. VIII.

*Posterius* quod attinet, omnis illa potestas, quam ratione rei feudalis, in ordine ad Vassallum non litigantem, sed consentientem ex natura & indole contractus feudalis & vigore solius domini directi exercet, nec in controversiam quandam incidit, ad Jurisdictionem feudalem referri non potest, ac per consequens exercitium ejusdem in alieno quoque territorio si feudum ibidem situm, sine dubio vires suas exerit, cum ita domini territorii jura non magis infringat, quam si e. g. Dominus emphyteuseos vel census canonem ab emphyteuta vel censitico alieni territorii exigat, ac desuper cum ipso paciscatur vel transigat. Hinc Vassallum liberè de feudo Dominus investit, vel investituram renovat, juramentoque fidelitatis eundem adstringit, servitia feudalia indicit, biethet die Ritter- und Lehn-Pferde auf/ feudi qualitatem in suum præjudicium immutat ac e. g. masculinum in foemininum, vel ex pacto & providentia tale in merum hereditarium convertit, Vassallo facultatem testandi in sui præjudicium indulget, & qui sunt ejusmodi actus similes, non tam ad potestatem Domini judicalem, quam extra judicalem spectantes. B. Dn. MENKEN de Vi superior. territor. §. 43. p. 67. EYBEN. Dissert. de caus. Feudal. sect 5. §. 4. p. 667. ROSENTHAL de feud. Cap. 12. concl. 20. n. 16. & Cap. 10. concl. 25. Cujus observationis effectus eo tendit, ut cum supra §. VI. Jurisdictionem Domini feudalem in rebus proprium interesse concernentibus penitus cessare dixerimus, de ejusmodi potestate extrajudiciali intuitu actuum su-  
pra

pra recensitorum, etiam si ad proprium interesse domini tendant, aliud omnino statuendum, sit ita quidem, ut illas solus citra Parium Curiae interventum, non tanquam Judex sed Dominus feudi directus expedire valeat. EYBEN *cit. loc.*

§. IX.

Ratione prioris membri sollicitè ad fundandam jurisdictionem feudalem inquirendum est, utrum res, de quâ controvertitur, *verè feudalis sit*, vel non; cum constet, non omnem de feudo controversiam pro causa feudali indistinctè statim esse habendam, si vel maxime apparenter talis esse haud raro nobis videri soleat. Ubi ita tenendum. Quod *quotiescunque inter duas pluresve personas de re vel factò feudali, ex legibus vel pactis feudisticis controvertitur, toties causa pro verè feudali habenda sit.* Ex qua descriptione, quænam sint causarum verè feudalium genuinæ notæ characteristicæ, ut equidem opinamur, satis perspicuè apparet, ac ita sunt comparatæ, ut conjunctim semper adesse debeant, ad hoc, ut causa pro verè feudali habenda sit, scil. I.) existens controversia *super re vel factò feudali*; Dicitur autem illud res vel factum feudale, in quam, vel ad quod jus aliquod feudisticum ex ipsâ naturâ lege & contractu feudali promanans indeque decidendum competit, uti hoc ita rectè explicat ANTON. *Disp. feud. 14. thes. 1. lit. C.* verbis: *quando questio est ex lege seu contractu feudali & item subsequenter, modo ex lege seu obligatione feudali instituat.* Ex quo fluit 2.) alterum requisitum, scil. ut controvertatur inter duas pluresve personas *qualitate*

*litate feudali præditas*, hoc est, ut inter actorem & reum vinculum feudale intercedat, & relatio; ut puta (a.) inter Dominum & Vasallum, deinde (b.) inter Convasallos, qui inter se unum eundemque feudi Dominum recognoscunt, ac proin propter nexum ex contractu feudali inter illos subortum, quasi socii & commilitones existunt. SCHRADER *de feud sect.* 2. p. 10. EYBEN *de causis feud. sect.* 3. §. 8. p. 660. HORN. *Jurisprud. feud.* C. 25. §. 1. ROSENTHAL P. 12. *Conclus.* 4. n. 24. §. 10. Accedit porro (3.) tertium causæ feudalis requisitum, quod scil. litigantes qualitate ejusmodi feudali *sine ulla contradictione* gaudeant. Quotiescunque enim inter litigantes de nexu & conditione *dominica* vel *Vasallitica* non convenit, toties causa controversa pro feudali haberi non potest, consequenter nec Jurisdictio feudalis tali casu locum sibi vindicare poterit; Hinc causa feudalis eo ipso talis esse definit, quo e. g. dominus negat, alterum qui se Vasallum asserit esse Vasallum vel (c.) Dominus alterum Vasallum esse contendit, hic vero se talem esse negat aut (d.) duo coram eodem domino de eodem feudo controvertunt illudque utrique petunt, quorum tamen alteruter solum verus vasallus esse & in Judicio vincere potest, adeoque se unius Domini Vasallos esse invicem negant. Certe his casibus alter alterum invitum ad iudicium & forum feudale eo minus trahere potest, II. F. 15. 20. & 46. quo minus de eo, qui negatur Vasallus, dici valet, quod Pares, vel Dominum habeat, qui iudicium feudale constituere possint. *arg.* II. F. 20. *vers. opponit.*

## §. XI.

Notanter vero diximus, quod ejusmodi casibus *alter alterum invitum* ad forum feudale trahere nequeat. Nam supra allegato ultimo casu, si duo Vassalli semet invicem Convasallos ejusdem Domini esse negarunt, *intuitu* ipsius Curiae feudalis, rem aliter se habere, ita quidem, ut utrosque Vassallos inter se contententes omnino ad se vocare, neutiquam verò eorum alicui ejusdem jurisdictioni feudali se subducere liceat, per expressos textus *II. F. 15. §. 46.* constitutum est, idque ex hac solida, quam adducit *STRUV. ex J. F. Cap. 16. §. VII.* ratione, quod tali casu uterque se dicat esse Vassallum, ac eo ipso quilibet in solidum ratione unius ejusdemque feudi eundem Dominum feudi agnoscat, ac consequenter etiam, uterque se, ut Vassallum decet, gerere, atque in Curia comparere sententiamque expectare debeat. Certum enim est, ob negationem convasallagii non adesse quidem causam verè feudalem ratione amborum Vassallorum inter se; Omnino tamen talem adesse ratione amborum Vassallorum, in ordine ad feudi Dominum. Deinde in primo quoque casu, quo inter Dominum & Vassallum ita controvertitur, ut ille hunc talem esse neget, ac e. g. investituram detrectet, prædium feudale vindicaturus, ad Judicium quidem feudale Vassallus invitus, ut §. præcedente dictum, ob defectum causæ verè feudalis, trahi non potest; Hoc ipsum tamen notabilem limitationem in illo casu admittit, quo Dominus, qui me Vassallum negaverat, iudicio feudali se sponte submittit, atque curia feudali ita

nente me interimistice & conditionaliter de feudo controverso ante omnia litis saltem ordinandæ, seu Judicii feudalis fundandi gratia investire, juramenti vero feudalis præstationem ac solennem & propriam investituram, donec de principali causa, utrum sim verus Vasallus nec ne, à Curia legitimè definitum fuerit, differre faciat. Hoc enim in casu ego qualitatem feudalem mihi met asserens, cognitionem Juris feudalis subterfugere nequaquam possum, per textum expressum II. Feud. 20. & II. F. 39. §. si inter. STRUV. Exerc. J. F. Cap. XVI. §. 7. n. 2. & 3. EYBEN de caus. Feud. Sect. 3. §. 10. p. 660. Confer. quoque ROSENTHAL. de feud. cap. 12. Concl. 3. n. 31. seqq. Imo ejusmodi interimisticâ & conditionali investitura pro fundanda Jurisdictione feudali nequidem tunc opus esse, quando iste, inter quem & Dominum de feudo quodam controvertitur, ratione alterius feudi, sine contradictione illius Domini est Vasallus, ex eodem textu II. F. 20. in fin. probatum ivit STRUV. cit. loc. n. 3. ita quidem, ut de hoc feudo non controverso investituram Vasallus sine dubio accipiens, ratione quoque alterius Feudi controversi, coram Curia feudali, idem cum Domino forum sortiri, causaque ibidem tanquam vere feudalis ventilari debeat. Idem STRUV. c. l. p. 592.

## §. XII.

Consideravimus huc usque brevissimè & in thesi causarum verè feudalium notas características, quod quidem argumentum pleniori manu excussum legi potest apud EYBEN. dissert. de causis feudal. per tot. Interea ex illis, quæ dicta sunt, nunc sine magna difficultate in hypo-

hypothesi applicatio fieri, & dijudicari poterit, an & quatenus hæc vel illa specialis controversia ratione feudorum obveniens, ad catalogum causarum verè feudalium jure referri queat ac debeat, ac per consequens sola Jurisdictio feudalis exclusa allodiali seu ordinaria, locum sibi vindicare valeat? id quod majoris illustrationis gratia vel duobus exemplis ostendisse juvabit. Sic ad causam verè feudalem sine dubio spectabit casus, quo v. g. (1) Dominus feudi à Vasallo sine contradictione tali, feudum ex capite felonix commissæ vindicat, vel si (2) propter insignem & notabilem prædii feudalis deteriorationem, vel illicitas exactiões contra ipsum agit; similiter (3) quando fidem quam Vasallus ei debet, sed non præstat, cum operis & officiis inde pendentibus, item (4) præstationem servitorum feudalium à Vasallo exhibendorum exigit, nec non (5) Renovationem investituræ juramentumque fidelitatis postulet; (6) Alienationem feudi impediat, ac petitiū consensum ac confirmationem alienationis vel oppignorationis deneget, vel etiam (7) laudemium *Lehn-Geld oder Lehn-Wahr*/ quod secundum quārumdam curiarum mores Domino competit, urgeat.

### §. XIII.

Non minus porro ex parte Vasalli causa feudalī est indubia, quando (1.) hic mutuam e. g. fidelitatem à Domino postulat, per text. II. F. 6. ROSENTHAL de feud. Cap. 8. *Conclus. 1. n. 2. ibique allegati Dd. sub lit. C.* vel si (2.) ratione refutationis feudi cum Domino litigat, quam Vasallo, invito quoque Domino, legibus feudalibus permissam esse novimus,

STRUU. *Exercit. J. F. Cap. 12. §. 9.* Porro (3.) si quæ Vafallo controversia cum Domino inde oriatur, quod ille huic dominii sui directi in alium translationem prohibeat, quod à Vafallo fieri posse *ex II. Feud. 34. §. 1. & II. F. 24. §. in fin.* satis constat. Si quoque (4.) Vafallus à Convasallo amicitiam ac servitia convasallitica exigat, vel (5.) uterque convasallagium ratione unius domini & feudi sibimet invicem neget, uterque vero, quod sit verus Vafallus, affirmet, *II. F. 15. & 46. STRUU. Exercit. J. F. C. 16. §. 7. n. 2.*

§. XIV.

Quemadmodum verò potissima decidendi ratio, quare istæ in duobus proximè præcedentibus Paragraphis recensitæ Controversiæ ad vere feudales causas sint referendæ, in eò consistit, quod singulæ ita sint comparatæ, ut qualitas feudalis vel personarum, vel rerum in illis vocetur in dubium, adeoque mera jura feudistica, hoc est, ejusmodi qualitates morales concernant, quæ ex Contractu feudali, atque traditione eidem connexa, pactisque adjectis, vel etiam delicto feudali descendunt, atque non ex principiis juris ordinarii s. communis, sed merè feudalis decidendæ sunt; Ita, cur non ex eodem fundamento & cæteris paribus causæ quoque possessoriæ pro verè feudalibus haberi potius possint ac debeant, quam quod è numero earum penitus & indistincte secundum erroneam quorundam Doctorum Sententiam e. g. ROSENTHALII *Cap. 12. Concl. 12.* nec non VULTEJI *Jur. Feud. C. 2. n. 42.* aliorumve exterminandæ sint, causa non apparet nobis satis idonea, cum celeberr. EYBENIO sæpe cit. *Dissert. de caus. feudal. Sect. 4.*

§. 14.



§. 14. *seqq.* & SCHILT. *Cap. X. ad Jus Alemann. & Inst. Feudal. Cap. 10. §. 3.* STRUVIO *Ex. J. F. Cap. 16. §. 4. n. 2.* & COCCEJO *in Hypomn. J. F. Tit. 13. §. 6.* qui nobiscum rectius omnino contrarium adstruunt. Extra omne enim dubium esse existimamus, causas possessorias eodem modo ac petitorias ex jure feudali ita descendere posse, ut in illis petitum ad possessionis restitutionem vel turbationis omissionem eatenus, quatenus persona feudalis ad hoc est adstricta, efformari, ac sic ad factum aliquod feudisticum in libello concludi queat. Jam vero quotiescunque in libello ad rem vel factum feudisticum concluditur, in quo se fundat actor, toties causam feudalem adesse supra jam assertum dedimus. Longe aliter itaque se rem habere, lubentes indulgemus, si possessio feudi ob generalem & omnibus communem obligationem à personâ feudali, non ut tali, sed citra respectum feudisticum petatur; Hâc ratione enim ejusmodi possessorium ob defectum requisiti essentialis pro causa feudali non haberi, adeoque nec ad Jurisdictionem feudalem pertinere poterit, non quidem propterea, quod causa sit possessoria, sed propterea, quod non sit feudalis, STRUV. *dict. Exerc. XVI. §. 4. n. 3.* & 4. ubi etiam dubia præsertim ex textu ORDINAT. CAMERAL. *P. 2. tit. 7. verb. Gänzlich und endlich abgesprochen/ &c.* quæ nostræ sententiæ quodammodo obstare videntur, satis solide diluit; vid. quoque de hoc textu SCHILTER. *in Inst. J. F. Cap. 10. §. 3.*

#### §. XV.

Suppositâ itaque causâ verè feudali & cæteris paribus Jurisdictionem feudalem ex parte Curiae omnino esse

esse fundatam, & ordinariam s. allodiale[m] Judicem illi simpliciter locum relinquere debere, extra omnem contradictionem positum est; idque non solum quoad potestatem cognoscendi & judicandi, sed quoque quoad facultatem exequendi obtinet, quippe quibus partibus jurisdictionem feudalem, instar allodialis & ordinariæ, absolvi, supra (§. IV.) in definitione tradidimus. Hæcque exequendi potestas tanta est, ut à Judice feudali in ipsam quoque substantiam feudi fieri queat; id quod non solum de Jure communi, sed quoque in Saxoniam obtinere, ex II. F. 39. & 55. juncta *Ordinat. Proc. Sax. Elect. recogn. ad tit. XL. §. 1.* manifestum est; ubi tamen probe notandum, quod, si Dominus feudi non simul sit Judex ordinarius, sed feudum in alterius territorio situm, Judex feudalis, nisi aliud forsan observantiâ contrariâ introductum sit, regulariter neque Vasallum immediate citare, multoque minus executionem judicati feudalis ipse immediate in rem feudalem peragere possit, quin potiusque utrobique subsidiariâ requisitione Judicis ordinarii opus sit. Ipsa enim recta ratio diffinit, superioritatem territorialem jurisdictionis ejusmodi feudalis exercitium ita temperare & restringere, ut nullatenus in illius vergat præjudicium. Vid. CAPITVL. LEOPOLD. art. 3. CAROL. VI. art. 15. & REC. IMP. de A. 1654. §. 164. Sicut itaque nemo judicum diversæ jurisdictionis sive secularis sive ecclesiasticæ citra ordinarii requisitionem citare potest partes, arg. L. 1. §. 2. ff. de requ. reis & abs. damnand. Nov. 134. C. 5. Ita nec plus potestatis judici feudali competere poterit, FRIDER. à SANDE in *Consuetud. feud. Geldr. tr.*

3. §. 3. n. 9. quod intuitu potestatis exequendi eò magis obtinet, quò hæcce semper superioritatis territorialis pars est, quæ vim justam & coactivam conjunctam habet, ac per consequens nemini in alterius territorio competere potest. SCHILTER *Ex. ad ff. 46. §. 16. Et 17.* ubi elegans Scabinorum Lipsiensium non adduxit solum præjudicium, sed quoque idem, ratione solorum pertinentium in alterius territorio sitorum obtinere, solide condocuit *cit. §. 17. Conf.* omnino Dissertatio sub Præsidio Dn. PRÆSIDIS de eò, quod circa Executionem in bona feudalia justum est, *Erfford. MDCCXXIX. die 19. Aug. habita §. 19. seqq.* in cujus §. XVII. n. 2. p. 13. quid de Jure Arresti, ejusve fori competentia ratione feudorum, statuendum, legi poterit.

§. XVI.

Interea pro certo habemus, Jurisdictionis curiæ feudalis legitime exercitæ vim in alienum omnino se extendere territorium, ita, ut sententiam à curiâ, in causâ verè feudali, ritè latam Dominus territorii ejusve subordinatum judicium ordinarium, si hoc fuerit consueto modo requisitum, strictim executioni mandare promptumque auxilium Judici feudali requirenti ferre debeat; adeo, ut si hoc detrectet vel executionem retardet, superior adiri, ac super denegata vel protractâ justitiâ justa querela moveri, mandatumque de exequendo sine clausulâ contra ipsum impetrari queat. *Perill. Dn. DE ZECH Diff. de Vt super. territor. §. 42. p. 67.* Quò ipso non immeritò à sententia B. DN. TITII recedimus, qui in *tr. des teutschen Lehn-Rechts Cap. 28. §. 44.* Domino feudi ejusve Curiae in alieno territorio omnem omnino Jurisdictionem feudalem, inuito territorii Domino, abnegat; Quæ sententia, sicut

à communi Doctorum opinione penitus est aliena, ita quomodo salvis notissimis Juris Feudalis tam Alemanici, quam Longobardici principiis in Germaniâ receptis defendi sustinerique valeat, non videmus. Facenim, Jurisdictionem feudalem comparativè ad ordinarium & generalem judicem, esse magis odiosam, quam favorabilem; largiamur etiam, quod sit strictissimi juris, ac limitata, nec non Jurisdictioni ordinariæ superinducta, prout recte docuisse supra citatum perill. Dn. DE ZECH de *Vi superior. territ.* §. 39. p. 62. legimus; Nil magis tamen inde inferri poterit, quam hancce Jurisdictionem ultra causæ verè feudales limites in præjudicium judicis ordinarii ad causas forsan non feudales non esse extendendam, atque in dubio causam potius à Judice ordinario, quam Domino & curiâ feudali esse decidendam, arg. II. F. 15. 34. §. si autem, & arg. Cap. 4. §. 15. X. de for. Comp. conf. GAIL. L. 1. Obs. 34. n. 6. ZANGER de except. P. 2. C. 4. n. 21. sequ. SCHWENDEND. ad Fibig. Proc. p. 315. Negari enim haud potest, Domino feudi & ipsius Curiae jurisdictionem in causis verè feudalibus originem ex ipso contractu feudali sortiri, ac in nexu & mutuâ quadam Conventione inter personas qualitate feudali præditas fundari, quam dein usus & consuetudo inveterata non solum, sed quoque eam confirmans Lex CONRADI SALICI IMPERATORIS 2. F. 34. ac supervenientes LOTHARII & FRIDER. I. IMPP. II. F. 55. renovationes, autoritate publicâ, intuitu causarum verè feudalium, donarunt; SCHILTER. Inst. J. F. Cap. 10. §. 2. COCCEJ. Hypomn. J. F. Tit. 13. §. 4. adeoque tanquam prorogata, publicèque confirmata, ut vult prælaudatus COCCEJVS citato

tato loco, considerari debeat, quam, semel recepto Jure Feudali, Dominus territorii in præjudicium Domini feudi ejusve Curiae, propter jus, ex contractu feudali cum Vasallo invito, quæsitum, & firmiter radicum, prætextu Jurisdictionis ordinariæ & generalis, utrisque contrahentibus vel alterutri eorum invitis, auferre nequit. *vid. SCHILTER. supra cit. tr. & loc. p. 84.* quod tamen secus se se habere, si partibus contrahentibus ipsis aliud vel ab initio, vel ex post facto placuerit, lubentissime concedimus, cum Dn. EYBENIO, quem vide *sit. sep. Dissert. sect. V. §. 8. 9. 10. & 11.* ubi solide §. 10. ostendit: ipsum quoque Principem, superiorem non recognoscentem, nec feudali jure antea obstrictum, per contractum feudalem cum longe inferiore Domino feudi innitum, Jurisdictioni hujus feudalis, juris necessitate, non minus adstringi, ac si privatus esset, cum præsumatur secundum *leges feudales* contraxisse, adedque, si jurisdictioni feudali obnoxius esse nolit, istum per pactum sibi prospicere debere, quod tum omnino servandum esset.

#### §. XVII.

Atque hæc de Jurisdictione feudali ejusve competentia in Compendio dixisse sufficiat. Jam ut quoque paucissimis Jurisdictionis ordinariæ s. allodialis circa feuda Competentiam ostendamus, rubricæ Dissertationis nostræ, ac tam ordinis quam temporis, intra quod sumus coarctati, ratio, nos admonet. Ubi duas pro fundamento præponemus Regulas, ex quibus universa Jurisdictio ordinaria circa feuda facili negotio dimetiri poterit. Quarum *prima: In causis verè feudali-*

*bus judex ordinarius regulariter plane est incompetens, & non nisi per accidens & in subsidium desuper judicare potest. Altera est: In causis non verè feudalibus sed saltem apparenter talibus, vel etiam aperte allodialibus judex ordinarius, excluso penitus Judice feudali, solitariè judicat.*

§. XVIII.

Regulam priorem, & speciatim ejus membrum primum quod attinet, statim apparet ejus veritas ex illis, quæ hætenus de Jurisdictionis feudalis Competentia solitaria in causis vere feudalibus adstructum evictumque dedimus; Ubicunque enim Jurisdictio feudalis locum sibi vindicat, ibi Jurisdictionem ordinariam cessare necessum est; cum hæc sit *specialis & prorogata*, quæ excludit *generalem & ordinariam*; præsertim si prorogata auctoritate publica, consensuque expresso vel tacito Principis, tanquam fontis Jurisdictionis ordinariæ, est suffulta; Sicut autem hic consensus eo ipso satis colligitur, quo Princeps subditis suis Feudorum recognitiones & possessiones in suo territorio active & passive indulget; Ita hoc ipso objectio SCHILTERI quam in *Inst. J.F. Cap. 10.* proponit, quasi Jurisdictio feudalis pro prorogata ex eo haberi non possit, quod hæc in præjudicium judicis territorialis fieri non possit, illa tamen possit, per se corruit. De veritate *posterioris membri*, Regulæ primæ, eò minus quoque dubitari potest, quo certius, toties reviviscere jurisdictionem ordinariam & generalem, quoties deficit vel impeditur prorogata & specialis. Dicitur autem in *causis verè feudalibus* Jurisdictio tunc deficere, vel impediri, quando v. g. (1) Dominus pares curiæ plane non habet, *II. F. 16.* (2) si quidem tales



les habet, hi tamen in eâdem causa judicare non possunt, forsan, quod in eâdem causa testes esse debeant. SCHRADER. *de Feud. P. XI. sect. 7. n. 113.* vel denique (3) si Dominus & pares ex rationabilibus causis suspecti recusentur, nec alii adsint, qui in locum illorum parium substitui queant, vel quoque superior iudex feudalîs deficiat. HORN. *Jur. feud. C. 25. §. 3.*

§. XIX.

*Secundæ regulæ* veritas ex eô apparet satis luculenter, quod jurisdictionem feudalem ad solas causas verè feudales restrictam, & limitatam, adeoque strictissimæ interpretationis eandem esse, supra ostensum sit, adeoque in causis allodialibus & verè non feudalibus, utut vel maximè tales esse quodammodo appareant, illam jurisdictioni ordinariæ indistinctè cedere debere, in propatulo sit; Res itaque eô redire videtur, ut quænam controversiæ vel causæ mere *allodiales* vel saltem *apparenter feudales* propriæ sint, dispiciamus, quod exinde statim manifestum est, quando istæ personas feudali qualitate utrinque præditas, non concernunt, neque ex re vel factò feudali descendunt, ut ut vel maxime res feudalîs ipsa in lite versetur; cum non ex objecto litis, sed causa petendi & conclusione de feudalitate actionis judicandum sit. Id quod exemplis quibusdam nunc illustrabimus.

§. XX.

Sic ergo (I.) supra jam evicimus: Dominum feudi incompetenter alterum ad curiam suam feudalem evocare, quem suum Vasallum esse ipse negat. *II. F. 20.* Idemque, si Vasallus se talem esse neget Domino, ex



paritate rationis obtinebit, cum sic utroque casu personæ qualitate feudali sine controversia præditæ deficiant, quæ hic partim à Domino, partim à Vasallo negata fuit. Neque (II.) Judex feudalis, sed solus allodialis competens est, in casu instituendæ actionis hypothecariæ, contra vasallum feudi ob debitum oppignorati possessorem, etiamsi Consensus Domini in hypothecam impetratus fuerit, ita quidem, ut judex territorialis in ipsam quoque substantiam feudi creditorem immittere queat; Hæc enim causa ex nullo Capite vere feudalis est; & Dominus in oppignorationem consentiens, consensisse quoque in ejus alienationem, ex illa causa necessario subsequenter, censendus est. *III. Dn. de ZECH Diff. de Vi super. territ. §. 39. p. 62.* Idemque ratione exactionis aliorum sic dictorum *debitorum feudaliū* obtinere, identitas rationis præcipit. Porro (III.) actionem communi dividundo à Vasallo contra Convassallum nonnisi coram Judice ordinario, neutiquam verò coram Curia Feudali competenter instituendam esse existimamus, ac ita recte Cameram Imperialem quondam contra *Senatum Erfurthensem*, ad Curiam feudalem incompetenter in simili causa provocantem, ad litem coram ordinario contestandam, condemnasse legimus apud *ROSENTHAL. de Feudis Cap. XII. Concl. 12. n. 108. seqq.* Rationes decidendi videri possunt ibidem *n. 109. sqq.* (IV.) Si possessorio e.g. acquirendæ, retinendæ vel recuperandæ possessionis contra Convassallum vel Dominum, non ob violatum quodammodo Contractum feudalem, sed ob generalem saltem & omnibus communem obligationem, actum, atque possessionis

nis restitutio vel turbationis omissio à persona feudali eodem modo ac à persona extranea petita fuerit, frustra tali casu coram iudicio feudali ageretur, EYBEN. *de caus. feud. Sect. 4. §. 16. p. 665.* Multo minus (V.) coram alio, quam Ordinario Iudice actio e. g. Confessoria vel negatoria ratione servitutis cujusdam fundo feudali debitæ vel non debitæ institui poterit; nec hanc enim quæstionem magis feudalem esse, quam illam, quâ de operarum Rusticorum, aliorumve jurium particularium, prædiorum feudalium, vindicatione agitur, in supra cit. *Dissert. de Vi superior. territor. §. 40. p. 63. & 64.* satis edoctum est, Confer. II. f. 28. §. *si Vasallus*, & II. f. 43. Huc quoque (VI.) spectabit casus, coram solo iudice ordinario, non feudali ventilandus, quo actio ex sola promissione fendi contra alterum hoc sine intenditur, ut promissum adimpleatur & feudum constituatur, arg. II. F. 20. vel (VII.) si de solis fructibus feudi inter personas qualitate feudali præditas controvertitur; Nam plane incompetentem esse heic iudicem feudalem, apparet ex STRUV. *Ex. J. F. C. 16. §. 7. n. 1. junct. Cap. 12. §. 7.*

§. XXI.

Infiniti adhuc prostant casus, quibus illa, quæ pro fundanda Jurisdictione ordinaria & allodiali ratione feudorum, in medium produximus, haud parum illustrari possent; Sed cum partim brevitatis temporis, quo minus frenum laxare queamus, nobis obicem ponat, partim ex generalibus regulis supra propositis omnes fere casus obvenientes, quatenus ad feudalem Jurisdictionem pertineant, vel ordinariam, sine difficultate, judi-

judicari queat, heic subsistere decrevimus, hōc saltem addendo, quod quemadmodum, si dubium sit, utrum causa potius â Judice ordinario, quam Domino & Curia feudali tractanda, pro illo potius quam hoc præsumendum sit, idque per solidas rationes, quas adduxit Perill. Dn. DE ZECH *de Vi super. territor. §. 39. p. 62.* Ita Dominus feudi in casu, quo Reus coram ipsius curia conventus exceptionem fori incompetentis opponit, de competentia fori sui ipse pronunciare nequeat; Cum sit ejus causa verè propria, itaque comparata, ut jurisdictio ipsius cum re familiari artissimo vinculo sit conjuncta, cum eò ipso quo se Dominus, competentem pronunciat, simul asserit, se habere jura in re & ad rem feudistica, & dominium feudi directum. Jam quotiescunque de particulari & privato s. patrimonialia Judicis commodo simul agitur, toties de suâ Jurisdictione illum cognoscere non posse, ipsa æquitas naturalis exigere videtur, & recte tradit SVRDVS *Conf. 286. n. 14.* quæ omnia in Judice ordinario secus se habere, res ipsa loquitur, adeoque non mirum, si jura super propria jurisdictionis competentia pronunciandi eidem indulserint per *L. 2. ff. si quis in jus vocat. non ierit. L. 5. ff. de Jud.* contra verò judici particulari & ad certam causam constituto, idem denegaverint. ID. SVRD. c. *L. n. 12. & CAVALCAN.*

P. 1. Dec. 11. n. 17.

T A N T V M.

